

მწყემსი



მე ვარ მწყემსი კეთილი: მწყემსი კეთილმან სული თვისი დაჰსდვის ცხოვართათვის. იოან. 10—11.
 შოვე ცხოვარი ჩემი წაწყმედული. მსრეთ იყო სიხარული ცათა შინა, ერთისათვის ცადვილისა. ლუკ. 15—4.
 მოვედით ჩემდა ყოველნი მაშურალნი და ტვირთ-მიძიენი და მე განგისვენო თქვენ. მათ. 11 28.

№ 11 1883—1897 15 ივნისი

გ ა ჯ ე თ ი ს ო ა ს ი:

„მწყემსი“	„მწყემსი“ რუსული გამოცემით
12 თვეთ 3 მან.	12 თვეთ 5 მან.
6 — 2 —	6 — 3 —

ფულისა და წერილების გაგზავნა შეიძლება ამ ადრესით:
 Вн. Кнуринъ, въ рѣшакію „Миремси“ и „Пастыр“.

შველა სტატიები და კორექსორდენციები, რომელნიც იქმნებიან დასაბეჭდავთ გამოგზავნილნი, ვრცლად და გასაგებად უნდა იყვნენ ავტორთაგან ხელ-მოწერილნი.


სტატია, რომელიც არ დაიბეჭდება, სამი თვის განმავლობაში შეიძლება ავტორებს მათის ხარჯით უკანვე დაუბრუნდეს

სტატიები მიიღებიან რუსულს ენაზე დაწერილნიც და თარგმნით დაიბეჭდებიან.

სარწმუნოებისა და ზნეობრივი შინაარსის წიგნები არა გვაქვს!

როდესაც კითხვა ჩამოვარდება ჩვენს მოძღვართა შორის იმაზედ, რომ ჩვენში სიტუვაცა-ქადაგება მეტის მეტად დაქვეითებული და დადუმებულია, მაშინ თავის გასამართლებლად ზოკიერთი მოძღვრები და, სამწუხაროდ, ნასწავლნიცა, ამას მოგიკებენ: «რა ვქნათ, რომ ჩვენ სარწმუნოებრივი და ზნეობრივი შინაარ-

სის წიგნები არა გვაქვსო!». ეს პასუხი სრულებით მოკლებულია სიმართლეს და წარმოითქმის ხოლმე თავის გასამართლებლად. მაგრამ ვეუღანი დარწმუნებული უნდა იყვენ, რომ ამ სიტუვებით ვერავინ თავს ვერ გაიმართლებს. ჩვენში მრავალი გამოცემანი არიან სარწმუნოებისა და ზნეობრივი შინაარსისა და იაფადაც იხუიდება, მაგრამ ჩვენი სამღვდლოების უმეტესმა ნაწილმა არც კი იცის მათი არსებობა და




არ იცის მიტომ, რომ არასოდეს არ მიუქცევია უურადღება ამისთანა წიგნების განცხადებათათვის. ზოგიერთ სამრევლოთათვის ისიც საკმარისია, რაც «მწუქისის»-ს რედაქციის გამოცემანი არსებობენ, და სხვების კიდევ სხვა არის. აიღეთ ამასთან შვენიერი გამოცემა-საუბრები თბილისის სიონის ტაძართან არსებული ძმობისა და სხვათა მრავალთა. მაგრამ, სამწუხაროდ, მანც კიდევ გაიძახიან: რელიგიური და ზნეობრივი შინაარსის წიგნები არა გვაქვსო! ამ სიტყვების თქმა არ მიეტყვიან უსწავლელ მოძღვართაც, რაიცა შეესება ნასწავლ მოძღვრებს, იმათ სომ არაფითარი უფლება არა აქვთ ზნეობრივი და რელიგიური შინაარსის წიგნებს უმქონებლობას უჩივოდენ. განა ამისთანა საჩივრის განცხადება შეუძლია ესლანდელ დროში იმას, ვისაც რუსული ენა ესმის, როდესაც ამდენი რუსული ჟურნალ-გაზეთები გამოდის საწმუნოებრივი და ზნეობრივი შვენიერი შინაარსის სტატიებით და სიტყვა-მოძღვრებით? ზოგიერთი ჟურნალ-გაზეთები, მაგალ. «Пастырскій собесѣдникъ», «Паломникъ», «Кормчій», «Душеполезное чтение», «Руководство для сель. пастырей» და სხვანი; საგანგებოთ გამოცემენ ხოლმე მთელ დამზადებულ წიგნებს მოძღვრება-ქადაგებათა მღვდელთათვის. თუ რუსეთის სასულიერო ჟურნალისტიკა და სამღვდლოება კი სარგებლობენ სამხდვარ-გარეთი სასულიერო ჟურნალ-გაზეთებით, ჩვენ რატომ არ შეგვიძლია ვისარგებლოთ რუსული სასული-

ერო ჟურნალ-გაზეთებით?.. რასაკვირველია, ნაცვლად «Пастырскій собесѣдникъ»-ისა სტრეკოზა ან „Живопис.» обзорѣне“ რომ გამოიწეროს მღვდელმა, ამ გამოცემათა წვალობით ვერ დამოძღვრავს სამწესოს!...

თითო სტატია ან სიტყვა-საუბარი რომ გადაეთარგმნათ ჩვენ სემინარიელ მღვდლებს დღემდის, ისიც კი კმარაო; მაგრამ ის არის, ჩვენდა საუბედუროდ, სამწუხარო, რომ ამისთანა კეთილი სურვილი არა სჩანს ჩვენს სამღვდლოებაში. ზოგიერთებს თავის გასამართლებლად თავის რიგიანად დაუბინაუებლობა და მოუწეობლობა მოჰყავთ. დარბიულად ვცნობრებთ, არ ვართ რიგიანად მოწეობილი, და შეძლებაც ხელს არ გვიწეობს, რომ ჟურნალ-გაზეთები გამოვიწეროთო. მაგრამ ესეც არ არის დამაბრკოლებელი მიზეზი ჩვენი დაუწეობისა. უმთავრესი მიზეზი ამისთანა შემთხვევაში არის ჩვენი დაუდევნელობა, ჩვენი გულგრილობა და ჩვენი გამოუცდელიობა. მრავალ ნაწილს უმთავრესი უურადღება აქვს მიქცეული გარეგან ბრწინვალებასე, კოხტად ჩაცმა-მორთვაზე და ჰგონიათ, რომ ამით დაიმსახურებენ უურადღებას და ჰატვის-ცემას თავიანთ სამწესოთაგან!.. დროა, უურადღება მივაქციოთ ჩვენი მოვალეობის აღსრულებას და ვისარგებლოთ მით, რაც არსებობს... ჩვენ რომ დღეს არ ვიცოდეთ, ან არ შევიტყოთ რელიგიური და ზნეობრივი შინაარსის წიგნების და საუბრების არსებობა, ამით თავს ვერ გავიმართლებთ...

დგ. დ. ლამბაშიძე.





მოვალეობანი სულიერ მწყემსთა წმ. მოციქულთა დადგენილობის მე-58 მუხლის ჩვენებით.

ხშირად გვესმის საჩივრები, განსაკუთრებით სოფლის მღვდელთაგან, რომ მათი მრევლი ცუდი კაცები არიან; უჩივიან, რომ მათ ტაძრებში სიარული არ უყვარსთ, არიან ამოღმორწმუნენი, და მღვდლებს პატივს არა ცემენო... ნუ თუ ყოველივე ესეები მართალია? სამწუხაროდ, უმეტეს შემთხვევაში საჩივრები მოძღვართა მართლაც რომ საფუძვლიანია. მაგრამ ვინ არის ამაში დამნაშავე? სად არის მიზეზი ყველა ამ სამწუხარო მოვლენათა და ხალხში ქრისტიანული ზნეობის დაცემისა? საზოგადოდ, როცა ამბობენ, რომ რომელიმე ოჯახის ბავშვები ხერიანად არ არიან აღზრდილნი, ცუდათ იტყვიან, ცუდ ხასიათს იჩენენო, იტყვიან ხოლმე: ალბად ამ ბავშვების მშობელი ცუდი კაცები არიან, ცუდ მაგალითებს აძლევენ თავიანთ შვილებს, არ ზრუნავენ მათ ზნეობით აღზრდაზედ, არ ცდილობენ მისცენ შვილებს შესაფერი აღზრდაო. ასეთი მსჯელობა უმეტესად მართლდება, ვინაიდან გამოცდილებით ვიცით, რომ კარგს, მშრომელ და კეთილ მორწმუნე მშობელთ ძვირად ჰყავთ ხოლმე ცუდი შვილები. სამრევლოც იგივე ოჯახია. სამრევლოში მღვდელია მამა. ტყუილად კი არ ეძახიან მწყემს მამას; როგორც მამა, როგორც ხელმძღვანელი თავისი სამწყსოსა, თითოეული მღვდელი ვალდებულია ეცადოს, რომ მისი სამრევლო, სულიერნი მისი შვილნი იქმნენ კეთილნი, არ აქნდეთ ცუდი ხასიათი და ჩვეულებანი. ასეთი ზრუნვა არის ზნეობითი მოვალეობა მღვდლისა, რომელსაც ავალებს ამას თვითონ სიტყვად ღვთისა, რომელიც გვასწავებს, რომ მღვდლობა იმიტომ არის დაწესებული, რათა თითოეული კაცი „მივიჩინეთ მამაკაცად სრულად, საზომად ასაკისა სავსებისა მის ქრისტესისა“ (ეფეს. 4, 13). ამასვე ავალებს მწყემსთ მართლ-მადიდებელი ეკლესიის დადგენილობანი. წმ. მოციქულთა დადგენილობის მე-58 მუხლი ჰირ და ჰირ ითხოვს, რომ მწყემსნი ასწავლიდნენ სამწყსოს კეთილ ცხოვრებას; თუ ისინი ამ საქმეში დაუდევრობას გამოიჩენენ, მაშინ მათ უნდა აღეკრძალოსთ მღვდელ-მოქმედება. ამის შემდეგაც თუ ისინი გამოიჩენენ დაუდევრობას და სი-

ზარმაცეს, მაშინ სრულებით უნდა გადაყენებულ იქმნენ მღვდელობიდან.

ამ სახით ღვთის სიტყვაც და წმ. მოციქულთა დადგენილობაც ავალებს მწყემსთ იზრუნონ სამწყსოთა აღზრდა-განათლების საქმეზე. თუ მწყემსი კარგია, სამწყსოც მას კარგი ჰყავს. თუ მწყემსი ცუდია, სამწყსოც ცუდია. ცუდ მწყემს არც კი შეუძლია მწყემსობა, იგი უნდა განიდევნოს. თუ ჩვენ დროში სამწყსონი ზნეობითად დაცემულნი არიან, ალბად მწყემსთაც დაიქვეითეს ზნეობითად და სრულებით არ ზრუნავენ თავიანთ სამწყსოთა გაუმჯობესობაზე. როცა მწყემსნი უჩივიან სამწყსოთ, ისინი ამავე დროს თავის თავს ილანძღვენ. არა, სამწყსოთ კი არ უნდა უჩივოდეთ, არამედ სამწყსო უნდა უჩიოდეს მღვდელთ, თუ კი ეს სამწყსო ზნეობითად დაქვეითებულია და მთლად ჩაფლულია ცოდვებში“. ჩვენ გაუნათლებელნი ხალხი ვართო“, იტყვიან ხოლმე ხშირად გლეხები. და ეს, სამწუხაროდ, მართალიც არის. არა თუ მათ სხვა რაიმე ცოდნა არა აქვსთ. სარწმუნოების პირველ დაწყებით სწავლაც არ იციან. და განა გასაკვირველია, თუ ეს გაუნათლებელნი პირნი, ბნელსა შინა მჯდომარენი, ჩაიდენენ ცუდ საქმეებს? ამიტომ მიუცილებლად საჭიროა, რომ მღვდლებმა ჯეროვანი ყურადღება მიაქციონ თავიანთ სამწყსოთა მდგომარეობას და იმეცადინონ, რომ აღზარდონ ისინი თანახმად ქრისტეს მცნებისა.

მაგრამ რა სახით შეგვიძლია მივალწიოთ ამას, რა საშუალებანი უნდა ვიხმაროთ ამ შემთხვევაში?


წმ. მოციქულთა დადგენილობანი, რომელიც მღვდელ-მოქმედებას უკრძალოს მწყემსთ, რომელნიც დაუდევრობისა და თავის სიზარმაცისა გამო არ ცდილობენ თავიანთ სამწყსოთა ზნეობითად და გონებითად ამაღლებას, გვიჩვენებენ საშუალებათაც, რომელნიც მღვდელმა უნდა იხმაროს თავისი სამრევლოის ზნეობითად ამაღლებისათვის. «წინამძღვარნი ეკლესიებისა, ამბობს მე-19 მუხლი ტულის კრებისა, ყოველ დღე, განსაკუთრებით კვირა დღეებში, უნდა ასწავლიდნენ კრებულს და ხალხს ღვთის სიტყვას». ასეთი სწავლით ხალხი შეიგნებს, რა არის კეთილი და ბოროტი, ცუდს აერიდება და კარგს შეისწავლის, ამით გაისწორებს თავის თავს და მოერიდება ყოველივე ცუდ საქმეს. აი პირველი საშუალება ხალხის სასწავლებლად: უნდა განუმარტო მას საღმრთო წერილი, უნდა განუმარტო ქადაგების

მზავსად. სწორეთ ასეთი სწავლება იგულისხმება წმ. მოციქულთა დადგენილობის მე-58 მუხლში.

თუ რამდენათ სასარგებლო და საჭიროა ქადაგება სამწყსოსი ზნეობის ასამაღლებლად, ამაზე, ვგონებ, საჭირო არ არის ლაპარაკი. ეს ყველასათვის ადვილი გასაგებია. მართლაც რატომ არის, რომ სამწყსოსი უმრავლესი ნაწილი ცუდად იქცევა, სინამდვილით არ ინახვენ ღვთის მცნებას და წმ. ეკკლესიის დადგენილობას? იმიტომ უმეტესად, რომ ან არ იციან ქრისტეს ეკკლესიის კანონები, ან არ ესმისთ, როგორ უნდა გამოიყენონ ისინი საქმეში, ან არ შეუძლიათ, თავიანთი დაუდევრობისა გამო, იცხოვრონ ისე, როგორც გვიბრძანებს უფალი. სწორეთ აქ უნდა დაეხმარონ მწყემსნი სამწყსოთ: უცოდინართ ასწავლონ, გამოუცდელნი დაარიგონ, სუსტნი დაარწმუნონ და განსაკუთრებით დაარწმუნონ, ვინაილგან უმეტესობა ცოდავს არა იმიტომ, რომ ცოდვის ცუდი შედეგი არ იცოდეს, არამედ იმიტომ, რომ არ შეუძლია ასცდეს ცოდვას და ჩაიდინოს რაიმე კეთილი. მწყემსი არ უნდა შეუშინდეს, თუ მისი მოღვაწეობა კეთილ ნაყოფს მალე ვერ გამოიღებს. პირიქით მან უფრო მომეტებული მუყაითობით უნდა განაგრძოს საქმე. აქ საჭიროა გავიხსენოთ ერთი შემთხვევა წმ. იოანე ოქროპირის ცხოვრებიდან და ამ წმ. მამის სიტყვები ამ შემთხვევისა გამო. ერთხელ ამ წმ. მამამ შენიშნა, რომ მისი სამწყსოსი ზოგიერთი წევრნი ნამეტნავად მიჩვეულნი იყვნენ მთვრალობას. ამ ბოროტების ამოსაფხვრელად წმ. იოანემ მიმართა იარაღს, რომელიც ხმალიზე უფრო მჭრელია, ე. ი. ქადაგებას და მასში უჩვენა ყველას, თუ რა მავნებელია მთვრალობა და მემთვრალეთ ურჩია თავი მიენებებიათ ამ დამღუპველი ჩვეულებისათვის. მაგრამ მისმა სიტყვამ ჯეროვანი ზედ მოქმედება ვერ იქონია: ყველა ისინი, რომელნიც წმ. იოანემ ამხილა, მომავალ დღესასწაულს წავიდნენ სამიკიტნოებში. ზოგიერთმა ბოროტმა პირებმა, ეს რომ დანახეს, დასცინეს წმ. იოანეს და სთქვა: «სწორეთ ნამდვილად დაარწმუნა! სრულებით აღარვინ აღარ დაიარება სამიკიტნოებში. ყველანი გამოფხიზლდენ!» ეს შეატყობიეს წმ. იოანეს, რომელმაც ერთ თავის ქადაგებაში, უჩვენა რა ეს დაცინვა, სხვათა შორის სთქვა: რას ამბობ კაცო? განა ჩვენ აღვითქვით, რომ ყველას ერთ დღეს დავიჭვრდით? დღეს ვერ დავარწმუნე, მაგრამ შეიძლება,

ხვალ დავარწმუნო. შეიძლება ხვალაც ვერ დავარწმუნო, მაგრამ შეიძლება ზევ დავარწმუნო. ვინც დღეს მოისმინა და უარ ჰყო, ის, შეიძლება, ხვალ გამოიგონებს და მიიღებს ჩემს დარიგებას, და ვინც დღეს და ხვალ არ გამოიგონებს, ის შეიძლება რამდენიმე დღის შემდეგ მიაქცევს ყურადღებას ჩემს სიტყვებს. განა არ შეგინიშნავს, რომ მშობლები ხშირად დიდ სასოწარკვეთილებაში ვარდებიან, როცა თავიანთ შვილებზე სასურველ ზედგავლენას ვერ იქონიებენ ხოლმე, მაგრამ ისინი მაინც თავისას არ იშლიან და ზოგჯერ დიდი შრომის და მეცადინეობის შემდეგ ახწევენ ხოლმე თავის მიზანს. ასე უნდა მოიქცე შენ, მქადაგებელო, შენი ძმის შესახებაც. მშობლები ხშირად ტირილით და ცრემლით ვერას აწყობენ, მაგრამ შენ კი შეგიძლია მოთმინებით და ბეჯითობით მოაქციო შენი ცოდვილი ძმა. ვთქვათ, შენი კეთილი რჩევა არ მიიღო და არ შეისმინა ვინმემ. იტირე და ხშირად ესაუბრე მას; იმწუხარე, რომ იგი შეარცხვინოს შენმა მზრუნველობამ, და მოიქცეს. აი როგორ უცქეროდა წმ. იოანე ქადაგებითი სიტყვას. ის წმ. მამა შვენიერ მაგალითს უჩვენებს მქადაგებელთ, იგი ურჩევს მქადაგებელთ, რომ მათ არ უნდა შეაჩერონ ქადაგება, როცა ხედვენ, რომ შათი სიტყვა შესაფერ გავლენას ვერ ახდენს მსმენელებზე, არამედ უფრო მომეტებულად უნდა იქადაგონ, სთხოვონ სამწყსოს, რომ იგი იქმნეს კეთილი. და დარწმუნებული უნდა ვიყოთ, რომ ამ გვარი მუყაითობით მწყემსი მოიტანს საგრძნობელ ნაყოფს.

რომ მწყემსმა თავისი მოვალეობა სავსებით აღასრულოს, ამისათვის მარტო ღვთის მსახურების დროს ქადაგების წარმოთქმა არ კმარა. ყოველი ეკკლესიური ღვთის-მსახურების დროსაც რომ იქადაგოს მოძღვარმა, მაინც არ კმარა. რაც უნდა კარგი იქნეს ქადაგება, რაც უნდა უბრალო და ადვილი გასაგები იქნეს ქადაგების შინაარსი, მაინც ერთად ერთი ქადაგება საკმაო არ არის, რომ სამწყსოთა შორის მწყემსმა განამტკიცოს სარწმუნოება და კეთილ-ზნეობა. ამ ქადაგებათა გარდა მღვდელმა უნდა გაუმართოს მრევლს ღვთის მსახურების გარეშე საუბრები, რომელნიც ფრიად სასარგებლონი და საჭირონი არიან. ბევრ დაუდევრელ და ზარმაც მწყემსთათვის სამძიმო ტვირთს შეადგენს ასეთი საუბრები და ამიტომაც ზოგი მწყემსნი ძლიერ წი-



ნააღმდგენი არიან ამ საუბრებისა. მაგრამ ჩვენის აზრით ღვთის-მსახურების გარეშე საუბრები ძლიერ სასარგებლონი და აუცილებლად საჭირონი არიან. ღვთის-მსახურების შესრულების დროს წარმოთქმული სიტყვები სასურველ შთაბეჭდილებას ვერ ახდენენ მლოცველებზე, რადგან იგინი ამ დროს დაღლილნი არიან და ამიტომ ყურადღებით ვერ ისმენენ მწყემსთა სწავლა-დარიგებათა. გარდა ამისა რაც უნდა ეცადოს მწყემსი, რომ თავისი სიტყვა ყველასთვის გასაგებად შეადგინოს, მაინც მისი ქადაგება ბევრ მსმენელთათვის გაუგებარი რჩება. შეიძლება მსმენელმა მოისურვოს, რომ გაუგებარი ადგილები განუმარტოს მას მოძღვარმა, მაგრამ როგორ შეიძლება მქადაგებლის შეჩერება. შეიძლება ქადაგების წარმოთქმის შემდეგ მსმენელი წავიდეს მოძღვართან და სთხოვოს მისი ქადაგების გაუგებარი ადგილების განმარტება, მაგრამ ეს ჩვეულებათ არ არის მიღებული და ესეც რომ არ იყოს, ყველას ხომ კარგი დამოკიდებულება არა აქვს მწყემსთან. მასასადამე გაუგებარი გაუგებრად რჩება. ზოგიერთი გაუგებარი ადგილი ქადაგებისა მნიშვნელობას უკარგავს მთელს სიტყვას და ამის გამო იგი უსარგებლო ხდება. ესეები არ მოხდება ღვთის-მსახურების გარეშე საუბრების დროს. ამ საუბრების დროს მსმენელთ ნება ეძლევათ დასხდნენ და ამიტომ უფრო ყურადღებით შეუძლიათ მოისმინონ ყოველივე სწავლა-დარიგება. რასაც ვერ გაიგებენ, ნება აქვსთ ჰკითხონ მწყემსთ. და თვითონ მღვდელსაც შეძლება ეძლევა, რომ ასეთ საუბრების დროს მომეტებული დრო მოახმაროს რომელიმე კითხვის განმარტებას, მას აქვე შეუძლია შეამოწმოს, თუ რამოდენათ გაგებით შეითვისეს მსმენელთ მოძღვრის სიტყვა. ერთი სიტყვით რა მზრითაც უნდა გასინჯოთ ღვთის-მსახურების გარეშე საუბრები, იგინი ძლიერ სასარგებლონი არიან. ამიტომ რომელი მწყემსიც არ ზრუნავს ქადაგებითი სიტყვასთან ერთად ამ საუბრების გამართვას ხალხთან, იგი გულგრილად და ზარმაცად ეკიდება თავის მოვალეობას, რისთვისაც დაიმსახურებს ღვთის სასჯელს, წმ. მოციქულთა დადგენილობის მე-58 მუხლში მოხსენებულს.

განსაკუთრებით ამ ჩვენს დროში მომეტებული ყურადღება უნდა მიექცეს ქადაგებითი სიტყვას და ღვთის-მსახურების გარეშე საუბრებს. წავიდა ის დრო, როცა ჩვენი უბრალო ხალხი თავისი სარწმუნოების


განხილვაში არ შედიოდა. რაც სწამდა, სწამდა წმიდა გულით და იმას არ დასდევდა, თუ რატომ წამდა ასე თუ ისე. დღეს კი უბრალო გაუნათლებელი კაციც ცდილობს შეიტყოს თავისი სარწმუნოების და ცხოვრების უმთავრესი საფუძვლები. ამ მოთხოვნილების დაკმაყოფილება შეადგენს მღვდლის პირდაპირ მოვალეობას. მწყემსმა ქადაგებითი სიტყვით და ღვთის-მსახურების გარეშე საუბრებით უნდა შეასწავლოს ხალხს, მისცეს პასუხი მის სარწმუნოების კითხვების შესახებ, და ეს პასუხი დაფუძნებული უნდა იყვეს მართლ-მადიდებელი ეკლესიის სწავლაზე.

სამწყსოის გონებითად და ზნეობითად განათლების საშუალებათ ეკუთვნის აგრეთვე მგალობელთა გუნდების შედგენა სამრევლოებში, კრძალულებით ღვთის მსახურების შესრულება და საეკლესიო წიგნების გაგებით კითხვა. განწყობილგალობას, კრძალულებითი ღვთის-მსახურების შესრულება, და გაგებით საეკლესიო წიგნების კითხვა ტაძარში იზიდავს მრავალ მლოცველთ. და რამდენათაც ხალხი ხშირად დაიარება ტაძარში, იმდენათ უფრო ივსება მათი გული ზეციური სწავლით, მით უფრო მონდობებულინი არიან იცხოვრონ ქრისტეს სწავლის თანახმად, უფრო მტკიცედ სდგებიან კეთილ ცხოვრების და ქველის მოქმედების გზაზე.

არ შეიძლება აქვე არ აღვნიშნოთ ისიც, რომ მღვდლის ცხოვრებას, განსაკუთრებით მის ოჯახურ ცხოვრებას დიდი ზედ გავლენა აქვს სამწყსოზე. ოჯახი არის პირველ დაწყებითი სკოლა, რომელსაც გადის ყოველი კაცი. ოჯახში ყმაწვილების სულისადა-გულში ითვისება პირველი თესლი, რომელსაც შემდეგში მოაქვს კეთილი ნაყოფი. თუ ყმაწვილი პირველად თავის ოჯახში ხეირიანად არის აღზრდილი, რაც უნდა ცუდი გარემოები შეხვდეს შემდეგში, ის ყოველთვის ძლევს ამ გარემოებათა და უვნებლად დარჩება. «რას იტყვიან ჩემი მშობლები, როცა შეიტყობენ ჩემ ყოფა-ქცევას?» იფიქრებს თაობიდანვე რიგიანად აღზრდილი ყმაწვილი და ასეთი ფიქრი შეაკავებს მას ყოველი ცუდი საქმისაგან. პირიქით ცუდი აღზრდა, ცუდი მაგალითები, რომელთაც ყმაწვილი ხედავს თავის ოჯახში, ხრწნიან მას ზნეობითად და ამიტომ იგი შემდეგში ხდება ცუდი წევრი საზოგადოებისა და ცუდი ქრისტიანე კაცი. ამიტომ ჩვენი ოჯახის ქრისტეს სწავლის თა-

ნახმად მოწყობა პირველ საქმეს შეადგენს. ყოველმა მღვდელმა განსაკუთრებითი ყურადღება უნდა მიაქციოს თავისი სამწყსოს ოჯახებურ მხარეს და თავისი სიტყვით ზემაგალითით უნდა უჩვენოს სამწყსოს, თუ როგორ უნდა იცხოვროს ოჯახში ჭეშმარიტმა ქრისტიანემ. ცოლ-ქმარ შუა უთანხმოებას და სხვა რაიმე ცუდ მხარეებს აღგილი არ უნდა ექნეს მღვდლის ოჯახში, რომელიც, თითქმის, სკოლაა მრევლისათვის; გარდა ამისა ცოლ-ქმარ შუა უთანხმოებას და განხეთქილებას ძლიერ ცუდი ზედ გავლენა აქვს მოზარდ თაობაზე, რომელიც ამის გამო მოკლებულია ხეირიან წინამძღოლობას და ამიტომ ოჯახ გარედ იძენს ცუდ ხასიათს და მაგალითებს და ასე აღზრდილი კაცი ბოლოს შეიქნება მაგნებელი წევრი საზოგადოებისა და ეკლესიისა.

ამ სახით თითოეული მწყემსი ვალდებულია ასწავლოს თავის სამწყსოს ყოველივე კარგი და სასარგებლო. ამისათვის მრავალი საშუალებანია, მაგრამ უმთავრეს მათგანს შეადგენენ: ქადაგებითი სიტყვა, ღვთის-მსახურების გარეშე საუბრები, კრძალულებით შესრულება ღვთის-მსახურებისა, და ბოლოს, მწყემსის ცხოვრება და განსაკუთრებით მისი ოჯახის ცხოვრება.



სემინარიის ცხოვრების მოკონებიდან.

(გაგრძელება).

ბ. ბუ—ძე საშინელი ხშირებული მოსწავლე იყო. არასოდეს რიგიანათ ერთი გაკვეთილი არ მიუგია მასწავლებლისათვის. მაგრამ ჩვენს დროში მესამე ხარისხი მოსწავლეთა არსებობდა და ნიადაგ ამ ხარისხის წყალობით ერთი კლასიდან მეორეში გადადიოდა. კურსის გათავების დრო მოახლოვდა. უველა ცდილობს, რომ უკან არ ჩამორჩეს სხვებს და გულის მოდგინედ კითხულობს თავის საგნებს. ეს ჩვენი ბ-ძე კი თავისუფლად დასეირნობს და ნიადაგ იდლიაში აქვს წიგნი ბოკლისა. იმ დროს ბოკლის წიგნი ძლიერ შესანიშნავი იყო და მოსწავლეები, რომელნიც გატაკებული იყვნენ სხვა წიგნების კი-

თავით, თავის მოვალეობად რაცხდენ მოეპოვებოდათ იგი. ერთხელ ერთმა მასწავლებელმა ბ-ძეს მკითხა თხა გაკვეთილი.

— გაკვეთილი არ ვიცი, მიუგო ბ—ძემ, არ მეცალა.

— რას აკეთებდი? ჰკითხა მასწავლებელმა, მასწავლეს

— ბოკლის წიგნს ვკითხულობდი და გაკვეთილის დასწავლა ვეძარ მოვასწარი, მიუგო ბ—ძემ.

— იკითხე, იკითხე, მიუგო მასწავლებელმა, მაგრამ უნდა იცოდე, მე საწყალო, დაგდუპავს მაგ წიგნის კითხვა. თავსა და ბოლოს ვერ გაუკვებ შენ მაგ წიგნს. ერთხელ გაკვეთილი არ დავისწავლია და მაგ წიგნის აზრს როგორ გაიგებ? შენ გგონია, მე სიგელს შევადგენ შენს ამისთანა :მაც უასუხზე, მაგრამ მოტუხებული ხარ. მე მხოლოდ მომიგონე, როდესაც ცხოვრებაში გახვალ. კაცი სამღვდელოთ ემზადები, იმ საგნებისა, რომლის ცოდნა შენს მიუცილებელ საჭიროებას შეადგენს, არა იცი რა და ბოკლის წიგნი რას გასწავლის შენ?.. მაგ წიგნი რომ წაიკითხოს კაცმა და შეიგნოს იგი, ხეირიანად მომზადებული უნდა იყოს და შენ ეს მომზადება არა გაქვს. ბოლოს იხანებ, მაგრამ გვიან იქნება! შენ სთქვი, რომ ბოკლის წიგნს ვკითხულობდიო. აბა, რა დაისწავლე მაგ წიგნებიდან? ერთი მომიყვი და შენ ამხანაგებსაც გააკვებინე.

— უველას საიდან მოვიგონებ ეხლა, მიუგო ბ-ძემ მასწავლებელს, და რომ ავტორს შევნიერი მსჯელობა აქვს ზოგიერთ საგნებზე, ეს, ვგონებ, უველასათვის ეჭვს გარეშეა.

— მე სრული დარწმუნებული ვარ, რომ ბოკლს ზოგიერთ საგნებზე კარგი მსჯელობა ექნება და აბა ერთი ადგილი დავისახედე მაინც, უთხრა მასწავლებელმა.

— ეხლა არ მახსოვს, მიუგო ბ-ძემ მასწავლებელს.

შედეგ ამ საუბრისა მოვიბრუნდა უველას მასწავლებელი და გვითხრა: „აი, ხომ ხედავთ თქვენ ამ საცოდავს, რომელიც ამბობს, ბოკლის წიგნს ვკითხულობდი და ამიტომ დრო არ მქონდა, გაკვეთილები დამესწავლიაო. ხომ დარწმ-

მუნდით თქვენ, რომ მაგას ტყუილა უკავია ხელში ბოკლის წიგნი და მედიდურობს მით, რომ ბოკლის წიგნს კიოხულობს, თორემ ერთი ადგილი, ერთი სიტყვა ვერ გამოუტანია ამ წიგნიდან, მაგას ეგონა, რომ ბოკლი ვითამ ურწმუნო კაცია და უნდოდა შეეტყო, თუ რა აზრის არის ის ღვთის სარწმუნოებაზეო. იქნება ბევრი ეძება ამ წიგნში ეს მისი სასურველი ადგილი, მაგრამ ვერაფერი ვერა გაიგო რა და ვერც არავინ სხვა მონახავს ბოკლის წიგნში ამისთანა ურწმუნოებას.

ამისთანა საქციელი ზოგიერთი გატაცებული მაგირღისათვის, რასაკვირველია, დამღუპველია, მაგრამ მე დარწმუნებული ვარ, თქვენ ვერც ერთს ვერ შეგაცდენს, რადგან თითოეულს თქვენგანს კარგად შეუძლია შეიტყოს შემცდარი აზრი ბ—ძისა“.

ძლიერ ვადევნებდი ბ—ძის ცხოვრებას უნდადღებას. დმერთმა ისე შენს მტერსაც ნუ აუსრულოს, მკითხველო, აღთქმული სასჯელი, როგორც იმის თავზე აღსრულდა წინასწარმეტყველება მასწავლებლისა. ბ—ძეს, როგორც ნამეტან სუსტს მოსწავლეს, საერო სამსახრუში არსად არ მიიღებდენ. მეტი საშვალეა არ ჰქონდა, რომ სიმძლიერით არ მომკვდარიყო, მღვდლობა უნდა ეთხოვა. ითხოვა მღვდელიობის ადგილი და კიდევ მისცეს ერთ მივარდნილ სამრევლოში. პირველ შემთხვევაში, როგორც ახალ ნაკურთხ მღვდელს პატივისცემით მიეგებენ და ბევრი იმედიც ჰქონდათ გლეხებს, როგორც სემ-ნარიაში ნასწავლი კაცისა. მაგრამ მრევლი მალე დარწმუნდა, რომ მათი მოძღვარი ძლიერ სუსტი ნასწავლია და ამ სუსტ სწავლასთან, საუბედუროთ თავის მოვალეობის აღსრულების არა გაეგება რა. დაიწყო უკმაყოფილება მოძღვარსა და მოწაფეთა შორის და მოძღვარმა იქამდინ მიიყვანა მრევლი, რომ მან ერთბაშად ითხოვა მოშორება მღვდლისა სამრევლოდგან. სასულიერო მართებლობამ ბევრი დონე იხმარა ბ—ძის შთაგონებისათვის, მაგრამ უველა ამოღდ დარჩა, ცუდი ხასიათი, ცუდი მიმართულება და ცუდი უოქცევა მოსწავლისა სწავლის დროს, ხშირათ სიბერემდის გაატანს კაცს. ასევე მოუვიდა საცოდავ ბ—ძესაც. ცხოვრებაში, რასაკვირველია, არ მოუთმენდენ უვე-

ლა იმას, რასაც ადვილათ უთმენდენ სემინარიაში. ჯერმა და მწუნარებამ, სინიფისის მნიშვნელობამ და სიღარიბემ მალე მოუდეს ბოკლი ბ—ძეს. ბევრს ნანობდა საცოდავ თავის დაუდევრობას და ურჩობას სწავლის დროს, მაგრამ გვიანდა იყო.

ბ—ძის მსგავსი მოსწავლეები, რასაკვირველია, დღესაც იქნებიან და ძლიერ საჭირო არის ამისთანა მოწაფეებს სულ სხვა დონით და სხვა ზომით შთაგონებდენ მათ შეცდომას და არა იმ დონით და საშვალეებით, რომელიც დღეს შემოდებულია უველგან.

დევ. დ. ლამბაშიძე

უმაღლესი ბრძანება.

შესხებ დაჯილდოების წესისა იმ პირთა, რომელნიც მდგომარეობენ ერთს რომელსამე უწყებაში და ამასთანავე სარგებლობა მოაქვსთ სხვა უწყებაშიაც.

ხელმწიფე იმპერატორმა, მიაქცია რა ყურადღება იმ გაუგებრობათა, რომელნიც ხშირია იმ შემთხვევაში, როდესაც უნდა შეუფარონ ჯილდოთა შესახებ შუამდგომლობათა სტატია მე-69-ს სამსახ. უფლება წესდებისა, გამო. 1896 წ., 18 თებერვალს ამა წლისას, უმაღლესად ინება ბრძანებად: ა) იმ შემთხვევაში, უკეთუ რომელსამე უწყებას ნამსახურობას გაუწევს რომელიმე მოხელე, რომელიც ამ უწყებას არ ეკუთვნის და სხვა უწყებაში კია სამსახურში, პირველმა უწყებათაგანმა უნდა აუწყოს მეორეს თვისი წინასწარ-განძახვა იმის შესახებ, რომ გამოთხოვილ იქმნეს უმაღლესი ჯილდო ხსენებულის სამსახურისათვის; ბ) რომ ამასთანავე იმ უწყებამ, რომელშიაც ხსენებული დასაჯილდოვებელი მოხელე მსახურებს, ამის თაობაზედ წარდგენილება გაგზავნოს სამოქალაქო უწყების მოხელეთა სამსახურის და ჯილდოების კამიტეტში, ისე კი რომ შესრულებულ იქმნენ არსებული ამის შესახებ კანონები, ამასთანავე ნება ეძლევა ამ უწყებას გამოითხოვოს ეს ჯილდო

მიუხედავად თითოეულის უწყებისთვის დაწესებულის «საზომისა» («НОРМА») და გარეშე ამ საზომის და გ) რომ ასეთი წარდგენილებანი შეხამებულ იქმნენ კანონში განსაზღვრულს წლის სამესამედო ვადასთან და იგზავნებოდნენ განსაკუთრებულის სიებით.

დაქნაშნათ ზენსა: უწმიდესის სინოდის ბრძანებისამებრ, 8 მარტიდამ 1897 წლ. მე-1147 ნომრით, პენსია დაენიშნათ; შტატ გარეშე მყოფს მღვდელს კარდანახის მაცხოვრის-ფერისცვალების ეკკლესიისას **ზაქარია სინჯააშვილს** 130 მ. სიღნაღის სამაზრო ხაზინილამ; შტატს გარეშე მღვდელს გულგულის თომას ეკკლესიისას **თომა მარაანაშვილს** 130 მანეთი თელავის სამაზრო ხაზინილამ; შტატ გარეშე მღვდელს ავრონის წმ. გიორგის ეკკლესიისას **კონსტანტანე ტოსუნოვს** 130 მან. თბილისის საგუბერნიო ხაზინილამ. შტატს გარეშე მღვდელს ქაივანბულგასანის სამრევლოისას მიხეილ ქსენოლოხოვს-130 მან. თბილ. საგუბერნ. ხაზინილამ მღვდლის ქვრივებს-65 მანეთი თითოს წელიწადში: შინდისის ეკკლესიის დეკანოზისას სალომე ყიფშიძეს—გორის ხაზინილამ; ბოჭორმის ეკკლესიის მღვდლისას **თამარა ხვედაგუნიძეს** თელავის ხაზინილამ; ქვიშხეთის ფერისცვალების ეკკლესიის მღვდლისას—ანასტასია კიკნაძეს გორის ხაზინილამ; იყალთოს ფერისცვალების ეკკლესიის მღვდლისას **ნანა ნაკვალაშვილს** თელავის ხაზინილამ, და სკრის ღვთისმშობლის ეკკლესიის მღვდლისას **მარაამ ჰაშვილს**—გორის ხაზინილამ.

ახალი ამბები და შენიშვნები.

უწმიდესს სინოდთან არსებულს სამასწავლებლო საბჭოს ორთვიურ კურსების გახსნა განუზრახავს. კურსებზედ წაკითხულ იქმნება ლექციები აღზრდის თეორიისა, საეკლესიო გალობისა და ორ კლასიან სკოლების მთავარ საგანთა მეთოდის შესახებ. ჯერ-ჯერობით საბჭოს განზრახული აქვს კურსები პეტერბურგსა, მოსკოვსა, ყაზანსა, ხარკოვსა, კიევისა, ოდესასა და ტომსკში გახსნას. ამასთან ერთად კურსების ყურის-მგდებელნი პრაქტიკულად და თეორიულად იმეცადინებენ ბალონობისა, მებოსტნეობისა და მეფუტკრეობის საგნებდამ. მისის მაღალ-ყოვლად უსამღვდელოესის საქართველოს ექსარხოსის შუამდგომლობით ტფილისშიაც, თურმე, გაიხსნება ასეთივე კურსები. სასოფლო სამეურნეო საგნების პრაქტიკულად და თეორიულად შესასწავლებლად სახელმწიფო ქონებათა და სამეურნეო სამინისტროს უწყებაში მოსამსახურე აგრონომები—ბ ნი შავროვი და ტიმოფევი მიუწვევიათ. ამათ უკვე სურვილიც განუცხადებიათ („ივერია“)

* * *

საქართველოს ექსარხოსს ტფილისის გუბერნატორისათვის გაუგზავნია დასამტკიცებლად თელავის მაზრის სოფლის საზოგადოებათა განაჩენები: კალაურისა—საზოგადო ხარჯით სკოლის სახლის აგების შესახებ შილდისა და ახალ-გაფაზისა - საეკლესიო-სამრევლო სკოლების სამეურნეო განყოფილებებით დაარსების შესახებ. („ივერია“)

* * *

როგორც 1896 სამოსწავლო წლის ანგარიშშიდგანა სჩანს, ტფილისში სულ 105 სხვა-და-სხვა სასწავლებელი ყოფილა, მათ შორის 9,131 ვაჟი და 6,454 ქალი სწავლობდა თურმე.

* * *

კავკასის რკინის გზის საზოგადოებას აზრად აქვს შავის ზღვის ნავიგაციის რკინის გზის ორი ახალი შტო გაიყვანოს: ერთი ახალ-ათონამდე და მეორე კი სოხუმის მახლობლად. რკინის გზის მმართველობა უკვე შესდგომია ამ საქმისათვის საჭირო გამოკვლევას.

* *

წელს ტფილისის პირველ დედათა გიმნაზიაში სწავლა დაამთავრა 61 მოსწავლე ქალმა, მათ შორის ქართველი ოთხია: ნინო ქიტუაშვილისამ მიიღო ოქროს მედალი და თამ. სულხანიშვილისამ — ვერცხლის მედალი.

* *

ამ წელს ტფილისის I-ლ ვაჟთა გიმნაზიაში სულ 58 მოსწავლეს დაუმთავრებია სწავლა. ამათში ქართველი — 13, სომეხი — 12, რუსი და სხვა ეროვნებისანი — 32.

* *

ქუთაისის ვაჟთა გიმნაზიაში ამ წელს სულ 31 მოსწავლემ დაამთავრა სწავლა. ამათში ქართველი თექვსმეტი: იასონ აფაქიძე, კონსტ. არდიშვილი, სერგი ლოლობერიძე, დავით ჯაფარიძე, პოლიკარპე იოსელიანი, ვეგენი კანდელაკი, პარმენ კახიანი, არისტო კიკნაძე, ვლადიმირ ლორთქიფანიძე, ბესარიონ მიქელაძე, იასონ მოსეიშვილი, ივანე შუბლაძე, ბიქტორ ნანეიშვილი, გიორგი ფაღავა, სეით იაშვილი და ექსტერნი კიზირია.

* *

თფილისის გუბერნიის მარშლად ისევე კ. ი. მუხრან-ბატონი იქმნა აღრჩეული თავად-აზნაურობისაგან. დიდის სიხარულით მიეგება ამ არჩევას არა თუ თფილისის გუბერნიის, არამედ ქუთაისის გუბერნიის საზოგადოებაც. ბედნიერია სწორეთ ის საზოგადოება, რომელსაც თვის შორის აღმოაუჩინდება კ. ი. მუხრან-ბატონისთანა პატიოსანი, შორს გამჭვრეტი, პირამთქმელი, მოუსყიდავი, გულ-კეთილი შეძლებული, დიდ სულოვანი და დიდ ბუნოვანი მოღვაწე და ისიც საზოგადოების მოთავეთ..

* *

28 მაისს თფილისში გარდაიცვალა დეისტვიტელნი სტატსკი სოვეტნიკი ანდრია ს. გამრეკლოვი, რომელიც განაგებდა თფილისის გუბერნიის და ზაქათლის ოლქის სახელმწიფო მამულებს.

განსვენებულს უმაღლესი სატყეო სწავლა ქონდა გათავებული და დიდი ხნის წამსახურია..

* *

30 მაისს თფილისშივე გარდაიცვალა თფილისის მოქალაქე არტემ ვაბრიელის ძე იუზბაშევი, რომელმანც ანდერძით შესწირა ტფილისის სომეხთა ნერსესიან სემინარიას — აგარაკი აბასთუმანში, სახლი ფრეილინის ქუჩ., ტფილისში, და რამდენიმე ნაწილი ქარვასლისა განჯაში, სულ ღირებული 60,000 მან. ამ მამულების და სახლების შემოსავლიდგან, ანდერძის ძალით, სემინარიამ უნდა მისცეს: 2,000 მ. — წინამძღვარიანთკარის სამეურნეო სკოლას. ხუთას-ხუთასი მანეთი სომეხთა საქველ-მოქმედო საზოგადოებას კავკასიაში, ტფილისის სომეხ-ქალთა საქველ-მოქმედო საზოგადოებას და სომეხთა-გამომცემელ საზოგადოებას. 200 მან. — პოლიცმეისტერს, თავ შესაფარის საჭიროებისათვის. 500 მან. — ტფილისის სომეხ-მღვდელთა საპენსიო კასსას, 200 მ. — უსინათლოთა სკოლას და 200 მან. — მამა იოანე კრონშტატელს.

მოგვყავს აქვე განსვენებულის ანდერძიდან ფრიად საყურადღებო ადგილი: რადგანაც ხშირად სულ უსარგებლოდ აუარებელი ფული იხარჯება ხოლმე აქაურ სომეხების დასაფლავების დროს ქელეხზე, სამგლოვიარო ტანისამოსზე, წირვაზე, მღვდლებზე, მგალობლებზე, ამქრებზე და სხვა, ამიტომ ამ ანდერძის ძალით მე ვალად ვდებ ჩემს ცოლს და ანდერძის აღმასრულებელთ დამმარხონ სულ უბრალოდ, მხოლოდ ერთის მღვდლის მონაწილეობით. ვთხოვ, კუბო ხუთ მანეთზე მეტი არა ღირდეს, ამქრების მაგიერ სამგლოვიარო ეტლი დაიქირაონ და საერთოდ რაც შეიძლება მოერიდნენ მეტს ხარჯს.

* *

წელს ტფილისის სასულიერო სასწავლებელში სწავლა დაამთავრეს და ნება ეძლევათ ეგზამენის დაჭერისა ტფილისისა და ქუთაისის სემინარიებში 26 მოსწავლეთ. ამათში 14 ქართველია, 6 რუსი და 6 ბერძენი.

მთელს სასწავლებელში ამ ყამად ზემოდ დასახელებულთ გარდა ითვლება 177 მოსწავლე. მათგან კლასიდან კლასებში გადავიდა 120 მოსწავლე. განსამეორებელი ეგზამენები დაენიშნა 40 მოწ. დარჩნენ იმავე კლასებში და მოსამზადებელ განყოფილებებში 14. დათხოვნილ იქმნა სასწავლებლიდან 3, ამათგან ერთი დიდ-წლოვანობისა და ორიც კულად სწავლისა გამო. მეოთხე კლასში სულ 26 მოსწავლე იყო.

* *

თფილისის სასულიერო მართლ-მადიდებელ სემინარიაში წელს სწავლა დაუმთავრებიათ პირველი ხარისხით: იერემია კესავეს, კონსტ. ლაბარავეს, დავ. ზარაფოვს, სერგი გორგაძეს, გრ. მახარაძეს, დიომიდე შილოკაძეს, გიორგი გამზარდიას, რაჟდენ გორდულაძეს, ივ. ლუკიანოვს, ანდრია ტოლორაიას, ვლად. ივანიცკის, ხარიტონ ჯინჭველაშვილს, ირაკლი კალანდარიშვილს, გრ. ნასრაძეს, გერასიმე ნუცუბიძეს, ალექსი სმირონოვს; მეორე ხარისხით: მიხეილ ბენაშვილს, მიხ. ნაცვალოვს, კირილე კვლენჯერიძეს, ლევან ვარდიევს, სპირ. ბერდიევს, გრ. მეტრეველს, რაჟდენ კანდელაკს, გრ. თოფურიძეს ექვთიმე თოთრაძეს, ლუკა კვლენჯირიძეს, ვას. ღამბაროვს. სერაფ. ხაზარაძეს, იაროდინ სისაურს,—სულ 29 კაცს. მათში ორი რუსია, 24 ქართველი, ორი ოსი და ერთი ინგილო.

* *

თბილისის სააზნაურო სკოლაში წელს ყოფილა სულ 408 მოსწავლე; ამათში აზნაურია-278, სასულიერო წოდების-21, მოქალაქეთა შვილები—34, გლეხი-74 და სხვა ქვეყნელი-1. მართლ-მადიდებელი-401, სომეხთ გრ.-2, ქათოლიკე-3, მაჰმადის აღსარებისა-1. თბილისის გუბერ. და ქალაქებისა-361, ქუთაისის-44. და სხვათა-3. მომავალი წლიდამ ხსენებულ სკოლაში იხსნება მეექვსე კლასი, რომელშიაც მეხუთე კლასიდან გადადის 11 მოწაფე.

* *

ქუთაისის სასულიერო ოთხ-კლასიან სასწავლებელში წელს სწავლა დაასრულა 74 მოწაფემ. ამათში 31 მოწაფეს მიეცა ნება ქუთაისის სასულიერო სემინარიის პირველ კლასში შესვლისა.

წელს თფილისის სასულიერო მართლ-მადიდებელ სემინარიაში სწავლა დაამთავრა 29 მოწაფემ. ამათგან სამი მოწაფე სახელმწიფო ხარჯით იგზავნებიან სასულიერო აკადემიაში. ამათ გარდა ორი მოწაფე, გორგაძე და მახარაძე კერძო სტიპენდიებით იგზავნებიან აკადემიაში. როგორც ამბობენ, ერთ ამ ორ მოწაფეთაგანს თავის ხარჯით აგზავნის აკადემიაში ამავე სემინარიის ინსპექტორი მ. გერმოგენი, რომელმაც ამას წინეთაც გაგზავნა თავის ხარჯით ერთი მოწაფე ყაზანის აკადემიაში!

* *

როგორც შარშან ისე წელსაც მოვიდა ქუთაისში გამოჩენილი აკუშორი პროფესორი ბ. ბაცივეიჩი, რომელიც დაბინავებულია ბ. ს. გ. თოფურიასთან. ეს პროფესორი ყოველ დღე დაიარება ბ. თოფურიას სამკურნალოში. სწულთ დიდი შემწეობა ეძლევათ, რადგან ისეთი მცირე საფასით, როგორც არის 50 კ., შეუძლიათ თავი გააშინჯონ ამ გამოჩენილ მკურნალს. მართლაც მრავალნი დაიარებიან ხსენებულ სამკურნალოში. ბ. ბაცივეიჩი, როგორც ამბობენ, ერთ თვემდე დარჩება ქუთაისში. ეხლანდელი ხირურგი ბ. თოფორიას საავადმყოფოისა ბ. გერატი სწორეთ შესანიშნავ აპერაციებს აკეთებს. ჩვენ თვითონ ენახეთ სპირტში შენახული სხვა და სხვა მსხმო და ხორცმეტები, რომელნიც ამ ხირურგს ამოუჭრია ავადმყოფთა მუცლიდან. სისუფთავე და ავადმყოფების მოვლა ჩვეულებრივად მშვენიერია ამ საავადმყოფოში.

* *

ნამდვილი წყაროდან შევიტყვეთ, რომ უწმ. სინოდს თავის თავზე მიუღია ის ექვსი ათასი მანეთის ხარჯი, რომელიც ქუთაისის სასულიერო სემინარიას უნდა მისცემოდა იმერეთის ეპარქიის საეკლესიო ხაზინიდან და შემდეგ სამღვდლოებს უნდა შეეცხო ხოლმე ეს ნაკლი თავის საშვალეებიდან.

* *

ჩვენ შევიტყვეთ, რომ უწმ. სინოდში მალე გადაწყდება ქუთაისის სემინარიისათვის ადგილის ყიდვის და შენობის აგების საქმე. ჩვენ ვფიქრობთ, რომ ეს საქმე არ გათავდება ჩვენი სამღვდლოების სასურველად, რადგან ამ საქმეში ბევრი ისეთი პირი ჩაერია, რომელნიც სამღვდლოების სურვილს არაფ-

რად აფასებენ და ბაგრატიის ტაძრის ნანგრევების მუდამ თვალწინ ქონასაც მავნებლად რაცხვენ...

* *

როგორც ზემო ისე ქვემო იმერეთში სწორეთ შეენიერი მოსავლის პირი უჩანს ვენახებს. ზემო-იმერეთში შეენიერი მოსავალი უნდა იქნეს სიმიდისაც. პურები ყველგან კარგია. წარსული წლების მოუსავლობისა გამო დიდი უფულობაა სოფლებში.

* .

ბ. თ. ჟორდანიამ, გურია სამეგრელოს ეპარქიის სამრევლო სკოლების მეთვალყურემ, როგორც მოსალოდნელიც იყო, დიდის გულს მოდგინებით მოჰკიდა ხელი თავის მოვალეობის აღსრულებას. ხსენებულს ეპარქიაში სამ ალაგას გახსნა ორ კლასიანი მასწავლებელთა მოსამზადებელი სკოლები. იმერეთის ეპარქიაში მხოლოდ ერთია ამ გვარი სკოლა. სკოლების რიცხვს შესამჩნევად უმატია სამეგრელოს ეპარქიაში.

* * *

იმერეთის ეპარქიის სამასწავლებლო რჩევის ქუთაისის მაზრის განყოფილების თავმჯდომარემ დეკ. იოსებ ჭეიშვილმა თავი დაანება ხსენებულ თანამდებობას. მის ადგილზე დანიშნულ იქნა ქუთაისის მთავარ-ანგელოსთ საკრებულო ტაძრის მღვდელი მ. ფილ. ფხაკაძე.

* *

სოფლებში ყველა სამრევლო სკოლების მასწავლებელნი დიდათ უჩივიან თავიანთ სიღარიბეს. წინათ, ცოტა იყო თუ ბევრი, ეძლეოდათ მათ შემწეობა. დღეს არავითარ შემწეობას არ იღებენ და საზოგადოებაც ძლიერ გულგრილად შესცქერის ამ მასწავლებელთა არა სანუგეშო მდგომარეობას. წინათ სამრევლო სკოლების მასწავლებელთ მუყიათი სამსახურისათვის აძლეოდნენ მედავითნის, მთავარ-დიაკნის და მღვდელობის ადგილებს; დღეს კი ამ მხრით ძლიერ მცირეთ ჯილდოვდებიან სამრევლო სკოლების მასწავლებელნი. მართალია, სამრევლო სკოლების მეთვალყურეთ კაი დიდი ჯამაგირები დაუნიშნეს, მაგრამ ეს დიდი ჯამაგირები სამრევლო

სკოლების რიცხვის გამრავლებას და მათში მასწავლების საქმის ხეირიანათ მოწყობას ვერაფერს დაეხმარება, თუ რამე საშუალება არ გამოიძიას, რომ სამრევლო სკოლების მასწავლებელთ რაიმე შემწეობა მიეცესთ. თუ ღმერთმა ინება და მთავრობის დაპირება სამრევლო სკოლების მასწავლებელთადმი ჯამაგირების დანიშვნის შესახებ აღსრულდა, ეს საქმე მომეტებულად ხელს შეუწყობს ამ სკოლების წარმატების საქმეს.

* *


საეკლესიო-სამრევლო სკოლებში მიღებული და მოწონებული დეკ. სმირნოვის საღმრთო სჯულის სასწავლო წიგნის მესამე გამოცემა, თარგმნილი რუსულიდან დეკ. დავით ლამბაშიძის მიერ, უკვე გამოვიდა საბეჭდავიდან და უწინდელ ფასობაზე უფრო იაფად გაიყიდება.

როგორც შევიტყვეთ, ბ. აკაკის მიერ გამოცემულ „კრებულზე“ ხელის მოწერა მიიღება ამა მომავალ სექტემბრიდან 1898 წლის სექტემბრამდე. ჟურნალი გამოიცემა თბილისში, და ჯერ-ჯერობით ამ გამოცემის რედაქციაც ამავე ქალაქში იქნება.

ჩვენ შევიტყვეთ, რომ ერთ სასულიერო პირს უთარგმნია და დაბეჭდვასაც აპირებს დეკ. სმირნოვის მიერ შედგენილი საღმრთო სჯულის სასწავლო წიგნისას ეს წიგნი, როგორც ყველამ უწყის, უკვე გადათარგმნილი და გამოცემულია ავტორის ნებადართვით. ამისათვის საცენზურო წესდების ძალით სხვას არავის აქვს ნება ამ წიგნის თარგმნისა და ამიტომ საჭიროა ყველამ იცოდეს ეს.

მომავალი სასწავლო წლიდან ქუთაისის სასულიერო სემინარიას თავის სასახლის ეკლესია ექნება. ამ ხარჯისათვის სემინარიის მთავრობამ უკვე მიიღო 3000 მან. უწ. სინოდისაგან.

როგორც შევიტყვეთ, იმერეთის ეპარქიის სამღვდლოების დეპუტატთა კრება სასულიერო სასწავ-



საქართველოს
საზოგადოებრივი
საბჭოთაო
საბჭოთაო
საბჭოთაო

ვლენების და სხვა საგანთა შესახებ მოხდება ნო-
ემბრის თვეში.

ამ კრებაზე გადაწყდება, თუ რა ხარჯი უნდა
გაიწეროს ლეჩხუმის მაზრის სამღვდელთა კუთა-
ისის სასულიერო სემინარიის და ოთხ-კლასიანი სა-
სულიერო სასწავლებლის შესახებ. ეს სამღვდე-
ლოება, ჩვენის აზრით, უკანვე მოითხოვს იმ ფუ-
ლებს, რომელიც მას შეტანილი ჰქონდა სამეგრელოს
სასულიერო ოთხ-კლასიანი სასწავლებლის შენობის
ასაგებად.



ჩვენ მივიღეთ კუთაისის წიგნის გამომცემელ
ამხანაგობისაგან გამოცემული წიგნი — «თხზულება
მამია გურიელისა სურათით» და წინასიტყვაობით,
რომელიც შედგენილია ბ. ი. მეუნარგიასგან. წიგნი
შეიცავს 466 გვერდს და ღირს 1 მანეთი. გამომცემა
ძლიერ სუფთად არის დაბეჭდილი.



სოფლებში ბევრ ვენახებს ვეღარ უწამლეს
ჭრაქისა და ნაცრის წინააღმდეგ, რადგან უფულო-
ბისა გამო გლეხებმა ვერ შეიძლეს შაბიამანის ყიდვა.



ყვირილის საეკლესიო ნივთების საწყობში დღეს
ყოველგვარი საეკლესიო ნივთები მოიპოვება და ია-
ფადაც. მაგალ.: სამირონე კოლოფები, რომელნიც
სხვაგან სამ მანეთად და სამ მანეთ ნახევრად იყიდე-
ბიან, აქ მსურველთ შეუძლიათ მოიპოვონ ორ მა-
ნეთ ნახევრად. გვირგვინები, რომელნიც სხვაგან ხუთ
მანეთად ფასობენ, ამ საწყობში იყიდება სამ მანეთ
ნახევრად და აგრეთვე სხვა ნივთები.



ბრძნული სიტყვა სუსტი აწიების ჰიროტაგს.

წმ. ეფრემ სირიელმა, ქალაქ ედესში წასვლის
წინათ, სთხოვა ღმერთს, რომ მას მოეწოდებინა მისთვის
გზაზე ისეთი კაცი, რომელთანაც საუბარი გაემართა
საღმრთო წერილის შესახებ. წმ. მამა გაუდგა გზას,
როცა ქალაქს მიუახლოვდა, მას შემოხვდა ქალი,
რომლის გარეგანი სახე ცხადათ ამტკიცებდა ამ ქა-
ლის ცუდ ცხოვრებას და ყოფაქცევას. წმ. ეფრემს
სასიამოვნოდ არ დაურჩა ასეთ ქალთან შეხვედრა და
იფიქრა, რომ ალბათ ღმერთმა არ შეისმინა მისი
ვედრება. ქალი შეჩერდა და პირდაპირ დააქტერდა
წმ. ეფრემს. ამისგამო წმ. მამამ ჰკითხა მას: «რა
გინდა ჩემგან? რისთვის მიტკერი მე? „მე გიტკერი
თქვენ, მიუგო ქალმა, იმიტომ, რომ ქალი შექმნილია
კაცისაგან; შენ მე კი არ უნდა მიტკეროდე, არამედ
უნდა უტკეროდე მიწას, რომლისაგან შენ შექმნილ
ხარ. ქალის ამ გვარმა პასუხმა გააივირვა წმ. ეფრემი
და მასთან დარწმუნდა იგი, რომ ღმერთმა ისმინა მისი
ვედრება.



შეწირულებანი.

ჩვენ მივიღეთ ჟურნალში დასაბეჭდათ შემდეგი
წერილები ეკლესიის სასარგებლოდ შეწირულებათა
გამოსაცხადებლად:

„მ. რ! უმორჩილესად გთხოვთ ნება გვიბოძოთ,
რომ თქვენი პატივცემული გაზეთის „მწყემსი“-ს სა-
შუალებით უგულთადესი მადლობა შევსწირო შო-
რაპნის სადგურის მოსამსახურე პირებს, რომელთაც
რწმუნებულს ჩემდამო დაბლა საქარის სამრევლო
სკოლას გამოუწერეს ამა მიმდინარე 1897 წელში
საყმაწვილო ნახატებიანი ჟურნალი „ჯეჯილი“ და
გლესს გიორგი კვინიკაძეს, რომელმაც აღნიშნულ
სკოლასთან ახლად დაარსებულს მეფუტკრეობის გა-
საძლიერებლად შემოწირა ორი ძირი ფუტკარი.

მასწავლებელი იოსებ ნ. ბარბაქაძე.

მღვდლის მ. ვლადიმერ მიქიევისაგან:

„მ. რ! უმორჩილესად გთხოვთ ნება მომცეთ, რომ თქვენის ჟურნალის შემწეობით გულითადი მადლობა შევსწირო ახ. პოდპორუჩიკს სიმონ გოდამბრიძეს და მის მეუღლას მატა ერისთვის ასულს, რომელთაც შემოსწირეს რწმუნებულს ჩემდამო როხის ღვთის-მშობლის ეკკლესიას შემდეგი ნივთები: ხატი ორი ტილოებზე დახატული, ერთი მაცხოვრის და მეორე ღვთის-მშობლის თავისის რამკებით და შუშებით, ღირებულნი 89 მ. ბარძიმ-ფეშხუმი და ორი ლანგარი წმინდა ვერცხლისა, მოოქვრილნი 120 მ. ერთი რწყვილი დაფარნა ფარჩისა 5 მ. ერთი ტაკუკი ვერცხლისა.

ბლალ. მღვდლის კონსტ. კანდელაკისაგან:

„მ. რ! უმორჩილესად გთხოვთ, რომ თქვენი პატივცემული ჟურნალის „მწყემსი“-ს საშუალებით გულითადი მადლობა გამოუცხადოთ ჩემი და ჩემი ერეგლის მაგიერ ლანჩხუთის იოანე ნათლის-მცემლის 'მკლესიის სტაროსტას იოანე ნ. ცინცაძეს, რომელმაც მოჭედა თავისი ხარჯით სახარება, რომელიც დაუჯდა 30 მან.

მამაო რედაქტორო!

გთხოვთ ნება მოგვცეთ, რომ თქვენის ჟურნალის საშუალებით გულითადი მადლობა გამოუცხადოთ როგორც მე ისე მათხოჯის დედათა სავანის ყველა დანებმა შორაპნის, სვირის, სიმონეთის და ჩხარის საბლალოჩინო მაზრის მღვდელთ, რომელთაც თავიანთი თანაგრძნობა აღმოუჩინეს ხსენებული სავანის დანებს ფულის შეკრების საქმეში მონასტრის ეკკლესიის აღსაშენებლად და განსაკუთრებით მღვდელთ: კირილე ლამბაშიძეს, პეტრე მიხელიძეს, მამა ჭუმბურიძეს და მიხეილ ვერულაშვილს განსაკუთრებული თანაგრძნობის და დახმარების აღმოჩენისათვის მათ სამრევლოში მოგზაურობის დროს. ამასთან მადლობას ვსწირავთ ვასილ მებუკეს, გიგო მებუკეს, რაფაელოვს, ივანე ს. გალუსტოვს, ბიკია ჯოჯუას, ერისტო დავითის ძე ჩხიკვაძეს, რომელმაც შემოსწირა ხუთი მან., ატატო კაკაბაძისას, მაია სანაძისას, მღვდელ-მონაზონს, და კესარია ჩხიკვიშვილისას, რომელთაც შემოსწირეს 17 მ. და 20 კ.

საეჭვო კითხვების განმარტება.

საქართველო
საბჭოთა კავშირი

კითხვა. შეიძლება თუ არა გვირგვინის კურთხევა 14 ნოემბერს?

მაგება. ჩვენს ეკკლესიებში ეს წესი სხვა-და-სხვა ნაირათ სრულდება. ერთ ადგილას თოთხმეტ ნოემბერს გვირგვინის კურთხევა აკრძალულია, მეორე ადგილას ამ დღეს მხოლოდ მღვდელ-მთავარის ნებადართვით შეიძლება გვირგვინის კურთხევა. ხარკოვის ეპარქიაში მღვდელ-მთავარმა მისცა ნება 14 ნოემბერს, დაურწყების დღეს, მწუხრის დარეკამდის აკურთხონ გვირგვინი და ამიტომ ვგონებთ, რომ ეს შესაძლებელიც იყოს.

კითხვა. შეიძლება თუ არა გვირგვინის კურთხევა რამდენიმე სასძლოსა და სასიძოზე ერთად შეასრულოს მღვდელმა?

მაგება. არ შეიძლება. ეს აკრძალულია სინოდის უქაზით 3-ს ივლისიდან 1893 წელსა.

კითხვა. ვალდებულია თუ არა კონსისტორია და, სადაც კონსისტორია არ არის, ეპარქიის კანცელარია თავისუფალი ადგილი მღვდელთა და მედავითნეთა გამოაცხადოს საყოველთაო საცნობად?

მაგება. რიგი და კანონია, რომ ეპარქიაში ყველა მსურველმა იცოდეს, თუ სად არის დაცლილი ადგილი მღვდლისა და მედავითნისა..

კითხვა. თვით მწყემსთ-მთავრის ლოცვის აღვლენაზე ღვთის მსახურების დროს მიუცილებლად საჭიროა წარმოთქმა „დიდი უფალი ჩვენი“ ან «უფალი ჩვენი» და სხვ...

მაგება. დასაბუთებით არ შეიძლება თქვას კაცმა, რომ ეს სიტყვა მაინცა-და-მაინც უნდა ითქმოდეს მღვდელ-მთავარზე, ძველ კონდაკებში ასე არის დაბეჭდილი: „პირველად მოიხსენე, უფალო, მთავარ ეპისკოპოსი, ანუ ეპისკოპოსი ჩვენი (სახელი) და არ არის სიტყვა „უფალი“ ეს სიტყვა არ არის ეხლანდელი დროის კონდაკებშიაც...



კითხვა. შეიძლება თუ არა ორჯერ იწიროს ერთი და იმავე ბარძიმ-ფეშხუმით?

მაგება. შეიძლება.

კითხვა. შეიძლება თუ არა მღვდელი გაეყაროს თავის ცოლს, თუ გაყრის მიზეზი თვითონ ცოლმა მისცა და გაყრის შემდეგ შეუძლია თუ არა მღვდელს იმღვდელ-მოქმედოს?

მაგება. თანახმად ნეოზ. კრების მერვე კანონისა მღვდელი, რომელსაც ყავს ცოლი მემრუშე, ვალდებულია გაეყაროს მას, წინააღმდეგ შემთხვევაში არა აქვს წირვის ნება. ცოლთან გაყრის შემდეგ კი შეუძლია დარჩეს მღვდლად სამწყსოში.

კითხვა. რამდენ გზით უნდა ითქვას: „გვირგვინოსან იქმნების მონა,“ და მხევალი. ერთჯერ უნდა ითქმოდეს თუ სამ-სამჯერ?

მაგება. სიტყვები: „გვირგვინოსან იქმნების მონა“ ანუ მხევალი. თითოჯერ უნდა წარმოითქვას, მაგრამ სიტყვები: „უფალო ღმერთო ჩვენო დიდებითა და პატივთა გვირგვინოსან ჰყავ ესენი“ კი სამჯერ უნდა წარმოითქვას მღვდლისაგან.

რედაქციის პასუხი.

მღ. ე. ხა—ას. ტყუვილათ იწერებით, რომ ნომრები გაკლდესთ. თქვენ შეცთომით გეგზავენებოდათ ორი ცალი ჟურნალისა და გვიკვირს, რომ დღემდისინ არ განაცხადეთ ეს გარემოება...

მკაცრათა. ყვირილის საეკლესიო ნივთების საწყობში იმექონება მხოლოდ ის საღმრთო და საეკლესიო წიგნები, რომელთა ყიდვა შეიძლება თფილისში. მაგალითებრ მარხვანი, ჟავნი და კონდაკი, დიდი ხანია, აღარ მოიპოვებთან გასასყიდლად.

მღ. გ. ა—ქს. ჩვენ მარტო შესანიშნავ და საყურადღებო სიტყვებს ვბეჭდავთ „მწყემს-ში“.

◆◆ განცხადება ◆◆

დაბა ევირილაში 1886 წლიდან დღემდის არსებობდა ეოველგვარი საეკლესიო ნივთების საწყობი ევირილის ეკლესიის ეზოს ერთ-საეკლესიო ოთახში. დღეს ჩვენს საკუთარ მაღაზიაში მოვათავსეთ

ეოველგვარი საეკლესიო ნივთები,

ასე რომ ჩვენს მაღაზიაში დღეს ეოველივე ნივთის სუიღვა შეუძლიათ მსურველთ და

◆ უფრო იაფადაც ◆

ვინემ სხვაგან.


რომ დაწმუნდეს მკითხველი ამ სიტყვებისნიმართლეში, საკმაოა ფასების შედარება სხვებთან.

ამასთან მაღაზია გაუწევს ეველას საიმედო კომისიონერობას ზარების, იკონოსტასების და სხვა საეკლესიო ძვირფასი ნივთების ვამოწერაში. გატყნულ ზარებს აიღებს ფუტს თუძნად. ჩვენს მაღაზიაში მოიპოვება არა მარტო საეკლესიო ნივთები, არამედ

ქართული სლავიანური ენაზე დაბეჭდილი საეკლესიო წიგნებიც.

● ჩვენი საეკლესიო ნივთების მაღაზიის უმთავრესი მიზანი არის **ბაიაფება** ყოველ გვარი საეკლესიო ნივთებისა.

დავით ლამბაშიძე.



კავშირის განყოფილება

დიდის ხნის სურვილი გაძიხორციელდა და საკუთარი ჟურნალის გამოცემის ნება-რთვა მივიღე და ამ 1897 წლის პირველ ენკენისთვიდან, უოველ თვე და თვე, გამოვა

„პ რ ე ბ უ ლ ი“

სამი განყოფილებით: 1-ში იქნება ახალი ჯერ დაუბეჭდელი, უოველგვარი ჩემი თხუხულება-თავანი, 2-ში ჩემი თავ-გადასავალი, ანუ ნახული და გაგონილი, ჩვენის ქვეყნისა და ცხოვრებისა შესახები.—პიკა და შიკ ჩართული იქნება ხელ-ახლა უოველისფერი, რაც-კი ამ ორმოცი წლის განმავლობაში მიწერია,—საჭირო შენიშვნებითა და განმარტებით... 3-ში შეპირ-გადმონაცემი, ხალხური ზოეზია, ე. ი. შიორები, ზღაპრები, ძველი ამბები, ანდაზები, აზაკები, გამოცანები, ძელოცვები და სხვანი.

რადგანაც ამ უგანასკნელს მეტს მნიშვნელობას ვაძლევეთ სხვა უველაფერზე, ამისათვის უველასა ვსთხოვეთ, რომ შემწეობა ადმოგვიჩინონ ამ დიდ საქმეში.

სახოგადოდ ხალხურ ზოეზიაზე და მისს შეკრების შესახებ ვრცელი სტატია იქნება პირველ ნომერშივე.

წელიწადში გამოვა თორმეტი წიგნი და ეღირება თფილისში მცხოვრებთათვის 6 მან., ხოლო ქალაქ გარეთ გაგზავნით 7 მან. წელიწადში. ნახევარი წლით-კი 4 მანეთი.

ხელის მოწერა მიიღება:

ტფილისში: «წერა კითხვის გამავრც. საზოგადოების» წიგნის მაღაზიაში შიო ქუჩუკაშვილთან (სათავად აზნაურო ქარვასლაში);

იოსებ მარკვილაძის მაღაზიაში: (ლორის მელიქოვის ქუჩა, ზუბალოვის სახ. № 4 და ტფილისის ამხანაგობის «შუამავალის» მაღაზიაში.

ჭუთაისში: ბეჟანევიშვილის წიგნის მაღაზიაში და მიტროფანე ლალიძესთან.

ბათუმში: მარიამ ივანეს ასულ ელიავასთან, დოქტორ ვოლსკისთან და კ. თავართქილაძის წიგნის მაღაზიაში.

ზოთში: სოფრომ მგალობლიშვილთან და იაკობ ფანცხავასთან.

ოზურგეთში: კოწია თავართქილაძესთან.

საჩხერაში: ყარამან ჩხეიძესთან.

ზითაშრაში: ირაკლი დეკანოზიშვილთან.

ჰვირილაში: (ზესტაფონში): დეკანოზ დავით ლამბაშიძესთან და ალექსანდრე არაბიძის წიგნის მაღაზიაში.

წიშაში: კირილე ხარაძესთან.

ფუზღიღში: კენინა ანეტა დადიშქელიანთან.

ლანჩხუთში: „შუამავალში“. კ. თავართქილაძესთან.

საჭილაოში: «შუამავალ შიგნითავაძის. წულოძესთან.

სენაკში: ბესარ. დავითის ძე მაღაზიაში.

ახალ-სენაკში: კ. თავართქილაქავთარაძესთან და სამ. ყიფიანთან.

ონში: თ. ქაიხოსრო გელოვანთან.

ბანჯაში: ალექსანდრე მიქაბერიძესთან და სოლ. დოლიძესთან.

ბაჰოში: გიორგი დეკანოზიშვილთან.

კავკასში: ალექსი ბეს. ჭიჭინაძესთან და ივანე ჩითავეიშვილთან.

ხონში: ივანე შარაშიძესთან.

ზორში: ნიკოა ლომაურთან, მიხეილ ილურიძესთან და რომანოზ ფანცხავასთან.

თელავში: ბარბარე პაატას ასულ სულობანიშვილთან, კნაიქნა მარიამ ესტატეს ასულ ვახვაშვილთან და ივანე კოლელიშვილთან.

სიღნაღში: დ. მაჩხანელთან დებოში და თ. დ. ჩოლოყაშვილთან.

ახალციხეში: გრიგორ ბურჭულაძესთან.

ახალქალაქში: ილია ალხაზიშვილთან.

ხაშურში: იოსებ ნიკოლოზის ძე ფანცულაიასთან.

მოლთში: პავლე კურცხალიასთან.

ბრეთში: თავ. ვანო ავალიშვილთან.

ამას გარდა სხვა დაბა-ქალაქებშიაც გვეყოლება აგენტები, რომელთაც ექნებათ დაბეჭდილი და ჩვენს ხელ მოწერილი ბარათები.

„პრეზუმი“ რედაქტორი აკაკი.

მიიღება ხელის-მოწერა 1897 წლისათვის ორ კვირულ გამოცემათა ძარბულს

„მწყემს“-ზე

დ

რუსულ «ПАСТЫРЬ»-ზე

ქურნალის ფასი:

12 თვით «მწყემსი» 3 მ.	6 თვით «მწყემსი» 2 მ.
— ,, რუსული ,, 3 მ.	— ,, რუსული ,, 2 მ.
— ,, ორივე გამოცემა 5 მ.	— ,, ორივე გამოცემა 3 მ.

ბაზეთზე ხელის-მოწერა შეიძლება როგორც ვეირადაში, აგრეთვე ქუთაისშიაც. თბილისში წერა-კითხვის გამავრცელებელ საზოგადოების წიგნის მაღაზიაში, ბ. შიო ქუჭუკაშვილთან. ფოთში — დეკანოზ მ. გრიგოლ მაჭაროვთან; საჩხერეში — ყარაღან ხეივანთან; სხაღვინეში — დეკანოზ დ. ხახუტოვთან. სხაღვინეში — სასულიერო სასწავლებლის მასწავლებელ სპირდონ ან. მატარაძესთან.

სოფლის მასწავლებელთ და ღარიბთ გაზეთები დაეთმობათ მთელის წლით ორივე გამოცემა სამ მანეთად.

რედაქციას აქვს კანტორები: ქუთაისში ხანანაშვილების სახლებში და ვეირადაში რედაქტორის საკუთარ სახლებში.

ზარემე მცხოვრებთა ქურნალის დაბარება შეუძლიან ამ აღრესით: Въ Квирилы, въ редакцію газеты журнала „МЦКЕМСИ“ и «ПАСТЫРЬ».

ამერიკა საავათმყოფო ამხელატორიითხტო

ს. ბ. თოფურისნი

ქ. ქუთაისში.

საავათმყოფოში დგას ორმოცი საწოლი ხირურგიულ, გინეკოლოგიურ და შინაგან სენით ავათმყოფათვის. მუწუკებიანი და გადამდები სენით ავათმყოფნი არ მიიღებიან. მოსიარულე ავათმყოფნი მიიღებიან ყოველ დღე 11 საათიდან შუადღის 3 საათამდე.

რედაქტორ-გამომცემელი დეკ. დ. ლამბაშიძე.

შინაგან და ნერვებით ავათმყოფების მიიღებს მ. ს. ბ. თოფურია.

ხირურგიულ შარდით და სიფილისით მ. ფ. კ. გარსაბი.

დედაცატურ ავათმყოფთა და საბებიოს ქალი მ. მ. ფ. კახანი.

თვალების ავათმყოფისათვის მ. ი. კ. ვარშავესკი.

რჩევა დარბების ფასი 50 კ., კონსილიუმის ფასი 3 მ. დღე და ღამე ქირა საავათმყოფოში სრული ხარჯით და ექიმობით 2—3 მანეთამდე. ანგრაფიის ფასი გარბებზეა.

სამკურნალოს დირექტორი ს. ბ. თოფურია.

გამოვიდა და ისეიდება

ქუთაისში — ყველა ქართულ წიგნის მაღაზიაში, ბნ ლალიძესთან, და თბილისში ბ. იმედაშვილის და ქელიძის წიგნის მაღაზიაში

ბართ. კილაძისა და ალ. რუხაძის გამოცემა

„ვეფხისტყაოსნის“ მესამე გამოცემა

და რამდენიმე ლექსნი.

ამ წიგნაკში მოთავსებულია მამია გურიელისა — „აღმანი“, „ვიცი“, ჩემი „ალავერდი“; აკაკის — „შოთა რუსთაველის სურათზე“ და ა. შაზბეგისა — „ბუთნის დედა“. წიგნაკში ჩართულია აგრეთვე შოთას სურათი, შეიცავს 40 გვერდს და ღირს 5 კ.

შინაგან:

სალიტერატურა განყოფილება: სარწმუნოების და ზნეობრივი შინაგანის წიგნები არა გვაქსო! — მოვალეობანი სულიერ მწყემსთა წმ. მოციქულთა დადგენილობის მე-58 მუხლის ჩვენებით. — სემინარიის ცხოვრების მოგონებებიდან. — უმაღლესი ბრძანება. — ხალი ამბები და შენიშვნები. — ბრძნული სიტყვა სუსტის არსების პირთაგან. — შეწირულებანი.

საჭირო და სასარგებლო ცნობათა განყოფილება: საეკლესიო კითხვების განმარტება.

— რედაქციის პასუხი, — განცხადებანი.

Редакторъ-Издатель П. Д. Гамбашидзе.

Дозволено цензурою, Тифлисъ, 15 июня 1897 г. — Цензоръ прот. Е. Елизе въ.

Типог. редакціи журн. „Пастырь“ (П. Д. Гамбашидзе) въ Кутаисѣ, въ д. бр. Ханановыхъ, на Нѣмецкой ул.